



中国经典名著

全宋词

(十八)

刘 丰 褚为良 編集

学苑音像出版社

目 录

吴文英.....	员
李彭老.....	苑
李莱老.....	缘
卫宗武.....	園
柴 望.....	愿
家铉翁.....	缘
陈 著.....	苑
王义山.....	恩
陈人杰.....	園

吴文英

琐窗寒

无射商，俗名越调，犯中吕宫，又犯正宫 玉兰

绀缕堆云，清腮润玉，汜人初见。蛮腥未洗，海客一怀悽惋。渺征槎、去乘阊风，占香上国幽心展。□遗芳掩色，真恁凝澹，返魂骚畹。

一盼。千金换。又笑伴鸱夷，共归吴苑。离烟恨水，梦杳南天秋晚。比来时、瘦肌更销，冷薰沁骨悲乡远。最伤情、送客咸阳，佩结西风怨。


尉迟杯

夹锺商，俗名双调 赋杨公小蓬莱

垂杨径。洞钥启，时见流莺迎。涓涓暗谷流红，应有绀桃千顷。临池笑靥，春色满、铜华弄妆影。记年时、试酒湖阴，褪花曾采新杏。

蛛窗绣网玄经，才石砚开奁，雨润云凝。

— 员 —



小小蓬莱香一掬，愁不到、朱娇翠靥。清尊伴、
人间永日，断琴和、棋声竹露冷。笑从前、醉
卧红尘，不知仙在入境。

渡江云三犯

中吕商，俗名小石调 西湖清明

羞红颦浅恨，晚风未落，片绣点重茵。旧
堤分燕尾，桂棹轻鸥，宝勒倚残云。千丝怨碧，
渐路入、仙坞迷津。肠漫回，隔花时见，背面
楚腰身。


逡巡。题门惆怅，堕履牵萦，数幽期难准。
还始觉、留情缘眼，宽带因春。明朝事与孤烟
冷，做满湖、风雨愁人。山黛暝，尘波澹绿无
痕。

三部乐

黄钟商，俗名大石调 赋姜石帚渔隐

江鹄初飞，荡万里素云，际空如沐。咏情
吟思，不在秦筝金屋。夜潮上、明月芦花，傍
钓蓑梦远，句清敲玉。翠罍汲晓，欸乃一声秋

— 圆 —



曲。

越装片篷障雨，瘦半竿渭水，鹭汀幽宿。
那知暖袍挟锦，低帘笼烛。鼓春波、载花万斛。
帆鬣转、银河可掬。风定浪息。苍茫外、天浸寒绿。

霜叶飞

黄鍾商 重九

断烟离绪。关心事，斜阳红隐霜树。半壶秋水荐黄花，香噀西风雨。纵玉勒、轻飞迅羽。凄凉谁吊荒台古。记醉蹋南屏，彩扇咽、寒蝉倦梦，不知蛮素。


聊对旧节传杯，尘笺蠹管，断阅经岁慵赋。小蟾斜影转东篱，夜冷残蛩语。早白发、缘愁万缕。惊飙从卷乌纱去。漫细将、茱萸看，但允明年，翠微高处。

瑞鹤仙

林鍾羽，俗名高平调

泪荷抛碎璧。正漏云筛雨，斜捎窗隙。林声怨秋色。对小山不迭，寸眉愁碧。凉欺岸帻。暮砧催、银屏翦尺。最无聊、燕去堂空，旧幕

— 猿 —



暗尘罗额。

行客。西园有分，断柳凄花，似曾相识。西风破屐。林下路，水边石。念寒蛩残梦，归鸿心事，那听江村夜笛。看雪飞、苹底芦梢，未如鬓白。

又


晴丝牵绪乱。对沧江斜日，花飞人远。垂杨暗吴苑。正旗亭烟冷，河桥风暖。兰情蕙盼。惹相思、春根酒畔。又争知、吟骨萦销，渐把旧衫重翦。

凄断。流红千浪，缺月孤楼。总难留燕。歌尘凝扇。待凭信，拦分钿。试挑灯欲写，还依不忍，笺幅偷和泪卷。寄残云、胜雨蓬莱，也应梦见。

又 赠丝鞋庄生

藕心抽莹莹。引翠针行处，冰花成片。金门从回辇。两玉鳧飞上，绣绒尘软。丝絢侍宴。曳天香、春风宛转。傍星辰、直上无声，缓蹑

— 源 —



素云归晚。

奇践。平康得意，醉踏香泥，润红沾线。良工谄见。吴蚕唾，海沈檀。任真珠装缀，春申客屐，今日风流雾散。待宣供、禹步宸游，退朝燕殿。

又 丙午重九


乱云生古峤。记旧游惟怕，秋光不早。人生断肠草。叹如今摇落，暗惊怀抱。谁临晚眺。吹台高、霜歌缥缈。想西风、此处留情，肯著故人衰帽。

闻道。萸香西市，酒熟东邻，浣花人老。金鞭骖袅。追吟赋，倩年少。想重来新雁，伤心湖上，销减红深翠窈。小楼寒、睡起无聊，半帘晚照。

又 寿史云麓

记年时茂苑。正画堂凝香，璇奎初焕。天边岁华转。向九重春近，仙桃传宴。银罍翠管。宝香飞、蓬莱小殿。荷玉皇、恩重千秋，翠麓

— 缘 —



峻齐云汉。

须看。鸿飞高处，地阔天宽，弋人空羡。
梅清水暖。苕溪上，几吟卷。算金门听漏，玉
墀班早，赢得风霜满面。总不如、绿野身安，
镜中未晚。

又 癸卯岁寿方蕙岩寺簿


辘轳春又转。记旋草新词，江头凭雁。乘
槎上银汉。想车尘才踏，东华红软。何时赐见。
漏声移、深宫夜半。问莼鲈、今几西风，未觉
岁华迟晚。

一片。丹心白发，露滴研朱。雅陪清宴。
班回柳院。蒲团底，小禅观。望罽毼明月，初
圆此夕，应共婵娟茂苑。愿年年、玉兔长生，
耸秋井干。

又 钱郎纠曹之岩陵

夜寒吴馆窄。渐酒阑烛暗，犹分香泽。轻
帆展为翮。送高鸿飞过，长安南陌。渔矶旧迹。
有陈蕃、虚床挂壁。掩庭扉，蛛网黏花，细草

— 远 —



静瑶春碧。

还忆。洛阳年少，风露秒粲，岁华如昔。长吟堕帻。暮潮送，富春客。算玉堂不染，梅花清梦，宫漏声中夜直。正逋仙、清瘦黄昏，几时觅得。

又 赠道女陈华山内夫人

彩云栖翡翠。听凤笙吹下，飞鞚天际。晴霞翦轻袂。澹春姿雪态，寒梅清泚。东皇有意。旋安排、阑干十二。早不知、为雨为云，尽日建章门闭。

堪比。红绡纤素，紫燕轻盈，内家标致。游仙旧事。星斗下，夜香里。□华峰□□，纸屏横幅，春色长供午睡。更醉乘、玉井秋风，采花弄水。

满江红 夷则宫、俗名仙吕宫 淀山湖

云气楼台，分一派、沧浪翠蓬。开小景、玉盆寒浸，巧石盘松。风送流花时过岸，浪摇晴练欲飞空。算蛟宫、祇隔一红尘，无路通。

— 苑 —



神女驾，凌晓风。明月佩，响丁东。对两蛾犹锁，怨绿烟中。秋色未教飞尽雁，夕阳长是坠疏钟。又一声、欵乃过前岩，移钓篷。

又 甲辰岁盘门外寓居过重午

结束萧仙，啸梁鬼、依还未灭。荒城外、无聊闲看，野烟一抹。梅子未黄愁夜雨，榴花不见簪秋雪。又重罗、红字写香词，年时节。


帘底事，凭燕说。合欢缕，双条脱。自香消红臂，旧情都别。湘水离魂菰叶怨，扬州无梦铜华阙。倩卧箫、吹裂晚天云，看新月。

解连环 夷则商，俗名商调

暮檐凉薄。疑清风动竹，故人来邈。渐夜久、闲引流萤，弄微照素怀，暗呈纤白。梦远双成，凤笙杳、玉绳西落。掩綌帷倦入，又若旧愁，汗香阑角。

银瓶恨沈断索。叹梧桐未秋，露井先觉。抱素影、明月空闲，早尘损丹青，楚山依约。翠冷红衰，怕惊起、西池鱼跃。记湘娥、绛绡

— 愿 —



暗解，褪花坠萼。

又 留别姜石帚

思和云结。断江楼望睫，雁飞无极。正岸柳、衰不堪攀，忍持赠故人，送秋行色。岁晚来时，暗香乱、石桥南北。又长亭暮雪，点点泪痕，总成相忆。


杯前寸阴似掷。几酬花唱月，连夜浮白。省听风、听雨笙箫，向别枕倦醒，絮扬空碧。片叶愁红，趁一舸、西风潮汐。叹沧波、路长梦短，甚时到得。

夜飞鹊 黄鍾商 蔡司户席上南花

金规印遥汉，庭浪无纹。清雪冷沁花薰。天街曾醉美人畔，凉枝移插乌巾。西风骤惊散，念梭悬愁结，蒂翦离痕。中郎旧恨，寄横竹、吹裂哀云。

空剩露华烟彩，人影断幽坊，深闭千门。浑似飞仙入梦，袜罗微步，流水青苹。轻冰润□，怅今朝、不共清尊。怕云槎来晚，流红信

— 怨 —



杳，萦断秋魂。

一寸金

中吕商 赠笔工刘衍

秋入中山，臂隼牵卢纵长猎。见骇毛飞雪，章台献颖，臞腰束缟，汤沐疏邑。笈管刊琼牒。苍梧恨、帝娥暗泣。陶郎老、憔悴玄香，禁苑犹催夜俱入。


自叹江湖，雕龙心尽，相携蠹鱼篋。念醉魂悠扬，折钗锦字，黠髯掀舞，流觞春帖。还倚荆溪楫。金刀氏、沿传旧业。劳君为、脱帽篷窗，寓情题水叶。

又

秋压更长，看见姮娥瘦如束。正古花摇落，寒蛩满地，参梅吹老，玉龙横竹。霜被芙蓉宿。红绵透，尚欺暗烛。年年记、一种凄凉。绣幌金圆挂香玉。

顽老情怀，都无欢事，良宵爱幽独。叹画图难仿，橘村砧思，笠蓑有约，莼洲渔屋。心景凭谁语，商弦重、袖寒转轴。疏篱下、试觅

— 四 —



重阳，醉擘青露菊。

绕佛阁

黄鍾商 与沈野逸东皋天街卢楼追凉小饮

夜空似水，横汉静立，银浪声杳。瑶镜奁小。素娥乍起、楼心弄孤照。絮云未巧。梧韵露井，偏借秋早。晴暗多少。怕教彻胆，蟾光见怀抱。

浪迹尚为客，恨满长安千古道。还记暗萤、穿帘街语悄。叹步影归来，人鬓花老。紫箫天渺。又露饮风前，凉堕轻帽。酒杯空、数星横晓。

又 赠郭季隐

茜霞艳锦，星媛夜织，河汉鸣杼。红翠万缕。送幽梦与、人闲绣芳句。怨宫恨羽。孤剑漫倚，无限凄楚。□□□□。赋情缥缈、东风扬花絮。

镜里半髯雪，向老春深莺晓处。长闭翠阴、幽坊杨柳户。看故苑离离，城外禾黍。短藜青

— 轔 —



屐。笑寄隐闲追，鸡社歌舞。最风流、垫巾沾雨。

拜星月慢

林锺羽 姜石帚以盆莲数十置中庭，宴客其中

绛雪生凉，碧霞笼夜，小立中庭芜地。昨梦西湖，老扁舟身世。叹游荡，暂赏、吟花酌露尊俎，冷玉红香熏洗。眼眩魂迷，古陶洲十里。

翠参差、澹月平芳砌。砖花滉、小浪鱼鳞起。雾盎浅障青罗，洗湘娥春腻。荡兰烟、麝馥浓侵醉。吹不散、绣屋重门闭。又怕便、绿减西风，泣秋檠烛外。


水龙吟

无射商 惠山酌泉

艳阳不到青山，古阴冷翠成秋苑。吴娃点黛，江妃拥髻，空濛遮断。树密藏溪，草深迷市，峭云一片。二十年旧梦，轻鸥素约，霜丝乱、朱颜变。

龙吻春霏玉溅。煮银瓶、羊肠车转。临泉

— 圖 —



照影，清寒沁骨，客尘都浣。鸿渐重来，夜深华表，露零鹤怨。把闲愁换与，楼前晚色，棹沧波远。

又 用见山韵饯别

夜分溪馆渔灯，巷声乍寂西风定。河桥径远，玉箫吹断，霜丝舞影。薄絮秋云，澹蛾山色，宦情归兴。怕烟江渡后，桃花又泛，宫沟上春流紧。


新句欲题还省。透香煤、重牒误隐。西园已负，林亭移酒，松泉荐茗。携手同归处，玉奴唤、绿窗春近。想骄骢、又踏西湖，二十四番花信。

又 赋张斗墅家古松五粒

有人独立空山，翠髯未觉霜颜老。新香秀粒，浓光绿浸，千年春小。布影参旗，障空云盖，沈沈秋晓。骝苍虬万里，笙吹凤女，驂飞乘、天风袅。

般巧。霜斤不到。汉游仙、相从最早。斲

— 斲 —



鳞细雨，层阴藏月，朱弦古调。问讯东桥，故人南岭，倚天长啸。待凌霄谢了，山深岁晚，素心才表。

又 寿嗣荣王

望中璇海波新，泛槎又匝银河转。金风细袅，龙枝声奏，钧箫秋远。南极飞仙，夜来催驾，祥光重见，紫霄承露掌，瑶池荫密，蟠桃秀、螽莲绽。


新栋晴翠凌汉。半凉生、兰檠书卷。绣裳五色，昆台十二，香深帘卷。花萼楼高处，连清晓、千秋传宴。赐长生玉字，鸾回凤舞，下蓬莱殿。

又 寿尹梅津

望春楼外沧波，旧年照眼青铜镜。炼成宝月，飞来天上，银河流影。绀玉钩帘处，横犀尘、天香分鼎。记殷云殿锁，裁花翦露，曲江畔、春风劲。

槐省。红尘昼静。午朝回、吟生晚兴。春

— 源 —



霖绣笔，莺边清晓，金猊旋整。阆苑芝仙貌，
生绡对、绿窗深景。弄琼英数点，宫梅信早，
占年光永。

又 送万信州

几番时事重论，座中共惜斜阳下。今朝翦
柳，东风送客，功名近也。约住飞花，暂听留
燕，更攀情语。问千牙过阙，一封入奏，忠孝
事、都应写。

闻道兰台清暇。载鸱夷、烟江一舸。贞元
旧曲，如今谁听，惟公和寡。儿骑空迎，舜瞳
回盼，玉阶前借。便急回暖律，天边海上，正
春寒夜。

又 过秋壑湖上旧居寄赠

外湖北岭云多，小园暗碧莺啼处。朝回胜
赏，墨池香润，吟船系雨。霓节千妃，锦帆一
箭，携将春去。算归期未卜，青烟散后，春城
咏、飞花句。

黄鹤楼头月午。奏玉龙、江梅解舞。薰风

— 缘 —

